

Ichachan 18

1. Tuma elese Nohi ke iso ma ge mero na haye zo ge Tuma yepongo muuk ddok. Ande Tuma eli na hin ke deshiyo, nen garsedo ko?

-Tuma eli dene garseng.

-Tuma tep eli dene ch'olo.

2. Ande Tuma eli na hin ke deshiyo, nen deshido ko?

-I. Tuma deshido.

3. Bergu ge de Nohiyo, Tuma hin ke zo tach gortege na sim zo gortege tach'en berguwan se'en?

-Tuma sim berguwan balo konang o jar ramang.

4. Balgede sim zo gortege tach'eno, nyebba ge de geskinuno Tuma oyse shuren dene bak ko?

-Bak oyseng.

-Balgede Tuma sim zo gortege tach'eno shuren dene sildo.

5. Nohi kenji gonggul na suto, Tuma elese Nohi katang?

-Tuma hin ke Nohi o gaynata gene ddul gonggulok teeki.

-Tuma hin ke Nohi koye kegina muuk gonggulok teeki.

6. Nohi o gaynata gene ddul gonggulok teek niye?

-Ddul ketuo konang so.

7. Kegini o shuwa muuk ddul gonggulok teek niye?

-Ddul ketuo konang so.

8. Nohi o gaynata gene o kegina muuk ddul gonggulok teeko, Tuma deshi katang?

-Tuma nyeka ketuk boy.

9. Tuma nyik ketuk kiyang?

-Ga bboydiya Tuma hin ke tep zo ge al gonggulo teeko.

-Ga bboydiya zo ge al gonggulo wado teek ke dduliga na kergitka.

10. De pudine k'at'isi de Tumono anen?

-Unto.

11. Ma ulup ba muuko na Tuma indi ya na uwa niye?

-Tuma iso ma ge al walajo tunto muuk bak na ma ulup ba muuk.

12. Iyere sabo tuma de haka ma bako zo ordo ko?

-Ane kargitong.

13. Kegini ge al gonggulo wado muuk al niye?

-Ede muuk ertaboy.

14. Zo ge al gonggulo wado muuk al niye?

-Ede muuk ertaboy.

15. Ge al gonggulo teeko ertaboy ko?

-Kergitong.

16. Milikiti de Tuma ach Nohi o zo muuko a katang?

-Ga oleme.

17. Milikiti de olemey elagech katang?

-Elagech ke Tuma wodi ramang ba muuk may ddok koyengi.

18. Ete Tumono wodi ramang ba muuk may ddok koyengo

Tuma tepto ko?

-Tuma tep sheshek.

19. Weya ge Nohi ge al ke shubbunge ge zowon muuko anena?

-Ga Semi o Kami o Yapeti.

-Tuma ibaysi Nohi o gaynata gene may ge mero liyok.

-Yongo tolo berguwan ge mero k'enduwa.

-Berguwan ge mero k'enduwo, zo ane dipta ba muuk boy ch'uwa.

-Zo ge ro'osine bergu ge de Nohi tolo anena?

-Ga du'u gegey.

-Ke Tuma iye, du'u gegey gaydo ko?

-Ede gaydo.

-Ke Tuma iye, du'u gegey gay niye?

-De i ke konango, ke Tuma iye, du'u gegey gay bboydiya shubbukte ge zowon elese weya gege giri giriyoko.

-Nyebba ge de Tumon o ma ge mero, shubbukte elese weya katang?

-Ede sene Tuma mar geskin sheshek na nyebba ge diya koye ba muuk may ddok.

-De i ke ramango, ke Tuma iye, du'u gegey gay niye?

-De i ke ramango, ke Tuma iye, du'u gegey gay bboydiya oleme elese ede nyebba ge de Tumono.

-Oleme elese du'u gegey na se niye?

-Oleme se ke Tuma yel zo muuk na wodi konang ch'uwa ba muuk may ge mero ddok koyeng.

-De i ke siziyo, ke Tuma iye, du'u gegey gay niye?

-De i ke siziyo, ke Tuma iye, du'u gegey gay bboydiya walach o elina o yeni o kena eli nyebba ge de Tumon.

-Nyebba ge de Tumon, walach o elina o yeni o kena eli na se niye?

-Ede se ke Tuma so ga Tuma na zo muuk keyebbidu.

-Nyebba ge de Tumon, oleme ane eli ch'olo ko?

-I. Eli ch'olo.

-Nyebba ge de Tumon, walach o elina o yeni o kena ane eli

ch'olo ko?

-Eli ch'olo.

-Tuma iye kiyene muy du'u gegey yep Tuma ko?

-Du'u gegey ge mero Tuma yepong.

-Du'u gegey ge minch'inda so yep Tuma.

-Du'u gegey ge meri Tuma yepong na shik nen?

-Du'u gegey ge meri shik Set'ani o budinata gene.

-Du'u gegey ge meri ga gensaa ge Set'ani.

-Set'ani elese du'u gegey katang?

-Set'ani elese du'u gegey na kogoynitka kena o bena o yeniy.

-Set'ani elese du'u gegey na koch'obbitka kena o bena.

-Set'ani mu elese du'u gegey na kogoynitka nyerata o k'aluwa o k'olowa.

-Set'ani ingkar du'u gegey na ede Tuma ke yebbiga.

-Set'ani ingkar du'u gegey na ede Tuma ke shi'iga.

-Zo bat Tuma na Set'ani hinong.

-Tuma ingkar du'u gegeyo, ede hinong.

-Du'u gegey hin ke shik Set'ani soy.

-May ge mero tolo, du'utegey kon ge zo ddoyo, rongi gene

ga Nimrodi.

-Nimrodi ingkar zo na ach zo penu na zo kekenjitka katama ge meri.

-Katama kon de zo kenjiyo, rongi ga Babiloni.

-Babiloni ge teek, Nimrodi ach zo penu na zo kekenjitka kese ramatu.

Gezeri Kelele 11:1-4

1-Ilanga kingi zo ge remes ba ge teeko, eli dege ga konang so.

2-Zo balgede zik bboy de susa chuwone, ba ge de Babiloni joy bbasech kon na remes yongo.

3-Ede ele giri giri na sene: "Wuda na gekenji ddobina ke bena na gigim go ge kat ke ddaddali." Ede benay kenjiyong kiyene muy kenji ddobina ge so. Ede ch'uwa joy choki de shok ddobina.

4-Ede sene: "Wuda na gekinji katama kon ya. Ya gekenji kese ramatu de sabo koy na kon tumay. Goro ge diya, ede ya ba ge diya teek ane gangartengo. Gonese rongi gegey ya na zo kataktech edey."

-Tuma elese Adami o Nohi na hin ke zo remes bbich bbich na dibis ba muuki.

-Zo ge wun tolo mu, Tuma elese na hin ke zo remes bbich

bbich na dibis ba muuki.

-Zo muuk remes bboyde koniyo, Tuma hinong.
-Zo muuk remes bboyde koniyo, Tuma hinong kiyang?

-Zo o remes bboyde koni, garse Tuma na uwado.

-Zo o remes bboyde koni, geskin dege koy ke buytini na uwado.

-Tuma hin ke zo remes bbich bbich na dibis ba muuki.
-Kiyene muy zo hinong.

-Zo hin ke remes bboyde koni.

-Nyebba ge diya zo muuk hatuwa katama de Babiloni na konese kese ramatu kenji.

-Babiloni ge zo hin ke kenji kese ramatuy kiyang?

-Ga bboydiya zo dangk'isine shesheko.
-Ga bboydiya zo hin ke woch'i orte Tumono.

-Zo konese kese ramatu kenjiyo Tuma orong ko?
-Tuma ordo.

Gezeri Kelele 11:5

5-Tolo bbiyo Komorut kun bak na hin ke moy katama

de zo deshiyo o kese ramatuwoy.

-Tuma ara kese zo kenjiyo boy.
-Tuma or yecha muuk.

-Tuma or zo muuk ch'olo.
-Tuma orong edu konang konang muuk.

-Tuma or geskin de zowon konang konang muuk ch'olo.

-Meta mu Tuma orong edu muuk.
-Edu Tuma orong kiyene muy Tuma orong edu ch'olo.

-Tasi de zowon muuk, Tuma gayong ko?
-Tuma gay tasi de zowon konang konang muuk.

-Sabo men kon tasi ane katasiyongo, Tuma gay tasi dene muuk.

-Eli de zowon muuk, Tuma gayong ko?
-Tuma gay eli de zowon konang konang muuk.

-Sabo men kon eli ane keliyongo, Tuma gay eli dene muuk.

-Desha de zowon muuk, Tuma gayong ko?
-Tuma gay desha de zowon konang konang muuk.

-Sabo men kon desha ane kedeshiyongo, Tuma gay desha dene muuk.

-Zo gongo tasi ke Tuma garsega edey.

-Tuma garse zo na uwado ko?

-Ang ge zo tasiyo, Tuma garseng.

-Ang ge zo eliyoy, Tuma garseng.

-Ang ge zo deshiyo, Tuma garseng.

-Zo bboydiya deshi geskino, Tuma oyse geskin dene bak na uwado ko?

-Tuma uwang.

-Set'ani bboydiya deshi geskino, Tuma oyse geskin dege bak na uwado ko?

-Tuma uwang.

-Nyerata bboydiya deshi geskino, Tuma oyse geskin dege bak na uwado ko?

-Tuma uwang.

-Adami bboydiya deshi geskino, Tuma oyse geskin dene bak na uwado ko?

-Tuma uwang.

-Hewani bboydiya deshi geskino, Tuma oyse geskin dene bak na uwado ko?

-Tuma uwang.

-Zo bboydiya Tuma shiyong na al bboyde koni na kenji kese

ramatuwo, Tuma eli katang?

Gezeri Kelele 11:6-7

6-Komorut sene: "Zo bboydiya eli tuk konang so na deshi ke metiyene, ede deshi ande ede hino muuk na uwado.

7-Wuda na gey bak na guchukur eli dege na ede gay ang ge ede eliyoy na uwang."

-Du'u gegey bboydiya Tuma shiyongo, Tuma lim ke k'at'isi ede.

-K'at'isi de Tuma lim ke k'at'isi zowo a katang?

-Tuma lim ke ach zo tugi bbich bbich na zo ele bboyde koni na uwangi.

-Tuma zo eli bbich bbich ke aji, zo pos desha dege de kenji kese ramatuwo na uwado ko?

-Uwang.

-Tuma zo eli bbich bbich ke aji, zo remes bboyde koni na uwado ko?

-Uwang.

-Ilanga kingi du'u gegey eli tuk konang so.

-Kiyene muy du'u gegey bboydiya Tuma shiyongo, Tuma ach ede eli bbich bbich.

-Du'u gegey bboydiya deshi geskino, Tuma chukur eli de zowon muuk.

-Tuma ach zo muuk eli bbich bbich Babiloni ge.

-Tuk te Inglisi konese Babiloni ge.

-Tuk te Perengi konese Babiloni ge.

-Tuk te German konese Babiloni ge.

-Tuk te Me'enun konese Babiloni ge.

-Tugi muuk konese Babiloni ge.

-Babiloni ge, zo muuk konese eli tugi bbich bbich na eli de zow ge ayayo gayong.

-Tuma ach zo tugi bbich bbich na tolo k'at'isi zo ch'uwa niye?

Gezeri Kelele 11:8-9

8-Tolo Komorut ch'ar ch'ar ede koposke ba muuk na ch'uwa ede oysidiye katama kenji bak.

9-Rongi ge katama dongo zertiye ke Babiloni. Ya ga bboydiya Komorut chukur eli de zo gongo muuk na Tuma mu ch'ar ch'ar zo gongo koposke ba muuko.

-Tuma ach zo tugi bbich bbich na tolo ch'ar ch'ar zo yecha muuk.

-Tuma hin ke zo dibis ba muuki, kiyene muy zo hin ke remes bboyde koni.

-De k'en tuntoko a zo ko a Tuma?

-Ga Tuma.

-De kach o Tuma na k'en tuntoko anen?

-Unto.

-De kach o Tuma, Tuma deshi katang?

-Tuma k'at'isi k'at'isi so.

-Tuma ch'ar ch'ar zo ba ge diya yecha muuk.

-Zo gen zektuwa jiyak.

-Zo gen zektuwa renak.

-Du'u gegey woch'i ba diya niye?

-Berguwan ge meri tolo, du'u gegey woch'i ba diya gonggulo o jarijo.

-Diya ga konesen de zuk te Me'enun.

-Diya ga konesen de zowon muuk.

-Du'u gegey al Babiloni ge.

-Du'u ge zowon muuk al Babiloni ge.